




宋本
春秋左氏傳

廿三
廿四

1726
12



門 〇 七 12
1726
卷 12



春秋經傳集解昭公四第二十三

杜氏 盡十七年

經十有三年春叔弓帥師圍費

不書南蒯以費叛不以告

廟。費音祕。夏四月楚公子比自晉歸于楚弑其

君虔于乾谿

比去晉而不送書歸者依陳蔡以入言陳蔡猶列國也比歸而

靈王死故書弑其君靈王無道而弑稱臣比非首謀而反書弑比雖脅立猶以罪加也靈

王死在五月又不其在乾谿楚人楚公子弃疾生失靈王故本其始禍以赴之

殺公子比

比雖為君而未列於諸侯故

秋公

會劉子晉侯齊侯宋公衛侯鄭伯曹伯莒子

邾子。滕子。薛伯。杞伯。小邾子。于平丘。

平丘在陳留長

垣縣西南八月甲戌同盟于平丘。

書同。齊公

不與盟。

魯不堪晉求。讒惠弘多。公不與。盟。非國惡。故不諱。與音預。

晉人

執季孫意如以歸。公至自會。

無傳。蔡侯廬歸于

蔡。

廬音盧。又力居反。

陳侯吳歸于陳。

陳蔡皆受封于楚。故稱爵。諸侯

納之

冬十月葬蔡靈公。

蔡復而後以君禮葬之。

公如晉。

至河乃復。

晉人辭公。

吳滅州來。

州來楚邑。用大師焉。曰滅。

傳十三年春。叔弓圍費。弗克。敗焉。

為費人所敗。不書諱。

平子怒。令見費人。執之以為囚。俘冶區夫

曰。非也。

區夫魯大夫。烏侯反。一丘于反。

若見費人。寒者衣

之。飢者食之。為之令主。而共其乏困。費來如

歸。南氏亡矣。民將叛之。誰與居邑。若憚之以

威。懼之以怒。民疾而叛。為之聚也。若諸侯皆

然。費人無歸。不親南氏。將焉入矣。平子從之。

費人叛南氏。

費叛南氏。在明年。傳善區夫之謀。終言其效。衣於既反。食音

嗣。共音恭。為之聚。于偽反。楚子之為令尹也。殺大司馬。遠

掩而取其室。

在襄三十年。遷于委反。

及即位。奪遠居田

居。掩之族。言遠氏所以怨。

遷許而質許圍。

遷許在九年。圍許大夫。質音

致蔡洧有寵於王王之滅蔡也其父死焉楚滅

蔡在十一年洧仕楚其父在國故死。洧于軌反。王使與於守而行

使洧守國。王行至乾谿。申之會。越大夫戮焉。

申會。在四年。王奪鬬韋龜中犍。

尺州。又奪成然邑而使為郊尹。

夫蔓成然故事蔡公。

命。故使成然事之。故遠氏之族及遠居許圍蔡洧蔓

成然皆王所不禮也。因羣喪職之族啓越大

夫常壽過作亂者。圍固城克

息舟城而居之息舟。楚邑。城之堅固者。觀起之死也其

子從在蔡事朝吳觀起死在襄二十一年朝吳。故蔡大夫聲子之子。

從如字。朝如字。曰今不封蔡蔡不封矣我請試之從觀

以人死怨楚。故欲試作亂。以蔡公之命召子干子皙皆靈

王弟。元年子干奔晉。子皙奔鄭。及郊而告之告以蔡公強

與之盟入龍襲蔡蔡公將食見之而逃不知其

辟之。其丈反。強觀從使子干食坎用牲加書而速

行使子干居蔡公之牀。食蔡公之食。已徇於

蔡已觀從也。已音紀。曰蔡公召子干將納之與之盟

而遣之矣將師而從之詐言蔡公將以師助二子蔡人聚

將執之從執觀辭曰失賊成軍而殺余何益

釋之賊謂子干子皙也言蔡公已成軍殺已不解罪朝吳曰二三子

若能死亡則如違之以待所濟言若能為靈王死亡則可

違蔡公之命以待成敗如何若求安定則如與之以濟所

欲言與蔡公則可得安定且違上何適而可言不可違上也上謂

衆曰與之乃奉蔡公召二子而盟于鄧蔡公召陵縣西南有鄧城二子子干子皙

依陳蔡人以國國陳蔡而依之楚

公子比子干公子黑肱子皙公子弃疾蔡公蔓成然

蔡朝吳帥陳蔡不羹許葉之師因四族之徒

四族遂氏許圍蔡有蔓成然以入楚及郊陳蔡

欲為名故請為武軍欲築壘壁以示後人為復讎之名蔡公

知之曰欲速且役病矣請藩而已乃藩為軍

也藩籬也蔡公使須務牟與史狎先入因正僕人

殺大子祿及公子罷敵須務牟史狎楚大夫蔡公之黨也正僕大

子之近官公子比狎皮皆反徐扶蟹反又公子比

為王公子黑肱為令尹次于魚陂竟陵縣城西北有甘

陂魚公子弃疾為司馬先除王宮使觀從從師

于乾谿而遂告之

從乾谿之師。告使叛靈王。

且曰先歸復

所後者劓

劓。截鼻。劓。魚器反。

師及訾梁而潰

靈王還。至訾梁。

而衆散。訾。子斯反。

王聞羣公子之死也自投于車下

曰人之愛其子也亦如余乎侍者曰甚焉小

人老而無子知擠于溝壑矣

擠。隊也。擠。子細反。

王曰

余殺人子多矣能無及此乎右尹子革曰請

待于郊以聽國人

聽。國人之所與。

王曰衆怒不可犯

也曰若入於大都而乞師於諸侯王曰皆叛

矣曰若亡於諸侯以聽大國之圖君也王曰

大福不再祗取辱焉然丹乃歸于楚

然丹。子革。奔王。

歸。祗。音支。

王公夏將欲入鄢

夏。漢別名。順流為鄢。公。順漢水南至鄢。

○夏。上聲。鄢。於建反。一於晚反。

芋尹無宇之子申亥曰吾父

再奸王命

謂斷王旌。執人於章華宮。芋。于付反。又音羽。

王弗誅惠

孰大焉君不可忍惠不可弃吾其從王乃求

王遇諸棘闈以歸

棘。里名。闈。門也。

夏五月癸亥王縊

于芋尹申亥氏

癸亥。五月二十六日。皆在乙卯丙辰後。傳終言之。經書四

誤。申亥以其二女殉而葬之觀從謂子干曰

不殺弃疾雖得國猶受禍也子干曰余不忍

也。子玉曰：人將忍子。子玉觀從吾不忍俟也。乃行。

國每夜駭曰：王入矣。相恐以靈王也乙卯夜，弃疾使

周走而呼曰：王至矣。周徧也。乙卯，十八日。呼，好故反。國人

大驚，使蔓成然走告子干、子皙曰：王至矣。國

人殺君司馬，將來矣。司馬，謂弃疾也。言司馬見殺，以恐子干。君

若早自圖也，可以無辱。眾怒如水火焉，不可

為謀。又有呼而走至者曰：眾至矣。二子皆自

殺。不書弑君，位未定也。丙辰，弃疾即位，名曰熊居。葬子

干于訾。實訾敖。不成君，無號諡者。楚皆謂之敖。殺囚衣之王

服而流諸漢，乃取而葬之。以靖國人，使子旗

為令尹。子旗，蔓成然也。楚師還自徐。前年圍徐之師。吳

人敗諸豫章，獲其五帥。定二年，楚人伐吳，師于豫章。吳人見舟于

豫章。而潛師于巢，以軍楚師於豫章。又柏舉之役，吳人舍舟于淮汭，而自豫章與楚夾漢。

此皆當在江北淮水南。蓋後徙在江南。豫章，帥所類反。謂蕩侯。潘子，司馬。繫，與尹。午，陵。

尹平王封陳蔡，復遷邑。復九年致羣賂。始舉

所貨施舍寬民，宥罪舉職。舉職，脩廢官。召觀從。王

曰：唯爾所欲。觀從，教子干殺弃疾。弃疾，令對

曰：臣之先佐開卜，乃使為卜。尹。佐，十人。龜，北。使枝

如子躬聘于鄭且致驪櫟之田

驪。櫟。本鄭邑。楚中取之。平

王新立。故還以事畢弗致

知鄭自說服。鄭人

請曰聞諸道路將命寡君以驪櫟敢請命對

曰臣未聞命既復王問驪櫟降服而對

解冠也。謝違命也。曰臣過失命未之致也王執其手曰

子毋勤姑歸不穀有事其告子也

復使他年芋尹申亥以王樞告乃改葬之初

靈王卜曰余尚得天下

尚。庶不吉投龜詬天

而呼曰是區區者而不余畀

區區。小天下。詬。呼豆反。又許

亂如歸初共王無冢適

冢。大也。厭於焉反同有寵子五人無適立焉乃大有事于羣望

羣望。星辰山川而祈曰請神擇於五人者使主社稷

乃徧以璧見於羣望曰當璧而拜者神所立

也誰敢違之既乃與巴姬密埋璧於大室之

庭

巴姬。共王妾。大室。祖廟。使五人齋而長入拜

齊。側皆反。長。丁丈反。靈王肘

加焉子干子皙皆遠之平王弱抱而入再拜

左傳卷三十三

九

年

皆厭紐微見璧紐以為審識。肘中九反。遠

反識申志鬪韋龜屬成然焉知其將立。故託其子。屬音燭

且曰弃禮違命楚其危哉弃立長之禮。違當璧之命。終致靈王

亂之子干歸。韓宣子問於叔向曰。子干其濟乎。

對曰難。宣子曰同惡相求如市賈焉何難宣子

謂弃疾親恃子干共同好惡故言對曰無與如市賈同利以相求。賈音古

同好誰與同惡言弃疾本不與子干同好則亦不得同惡取國有

五難有寵而無人一也寵須賢人而固有人而無主

二也雖有賢人當須內主為應有主而無謀三也謀策有

謀而無民四也民衆有民而無德五也四者既備當以

成德子干在晉十二年矣晉楚之從不聞達者

可謂無人晉楚之士從子干游皆非達人族盡親叛可謂無

主無親族在楚無覺而動可謂無謀召子干時楚未有大釁

為羈終世可謂無民終身羈客在晉是無民亡無愛徵

可謂無德楚人無愛念之者王虐而不忌靈王暴虐無所畏忌

將自楚君子干涉五難以弑舊君誰能濟之

言楚借君子干以有楚國者其弃疾乎君陳

弑靈王終無能成城方城也時穿封戍苛慝不作

盜賊伏隱。私欲不違。不以私欲違民民無怨

心。先神命之。先神謂羣望國民信之。芊姓有亂。必

季實立。楚之常也。獲神一也。當璧拜。彌爾反。有民

二也。民信之。令德三也。無苛慝。寵貴四也。貴妃居

常五也。弃疾。有五利以去五難。誰能害之。子

干之官。則右尹也。數其貴寵。則庶子也。以神

所命。則又遠之。其貴亡矣。位不尊。去起呂反。遠于萬反。亡音

無。又其寵弃矣。父既沒故。民無懷焉。非令德。國無與

焉。無內主。將何以立。宣子曰。齊桓晉文。不亦是

乎。皆庶賤。對曰。齊桓衛姬之子也。有寵於僖。衛姬

有鮑叔牙。賓須無。隰甥。以為輔佐。有莒

衛。以為外主。齊桓出奔莒。衛有舅氏之助。有國高。以為內

主。國氏高氏。齊上卿。從善如流。言其疾也。下善齊肅。齊嚴也。肅

不藏賄。清也。不從欲。儉也。子用反。從施舍。不

倦。施舍猶言布恩德。求善不厭。是以有國。不亦宜乎。

我先君文公。狐季姬之子也。有寵於獻。好學

而不貳。言篤志。生十七年。有士五人。狐偃。趙衰。顛。頡。魏。武

有先大夫子餘。子犯。子。司空季子。五士從出。衰初危反。從才用反。

以為腹心

子餘趙衰子犯狐偃

有魏驪賈佗以為股肱

魏驪魏武子也稱五人而說四士賈佗又不任本數蓋叔向所賢

有齊宋秦

楚以為外主

齊妻以女宋贈以馬楚王尊之秦伯納之

有欒卻狐

先以為內主

謂欒枝卻穀狐突先軫也

亡十

九年守志彌篤惠懷弃民

惠公懷公不恤民也

民從而

與之獻無異親民無異望

獻公之子九人唯文公在天方

相晉將何以代文此二君者異於子干共有

寵子國有奧主

謂弃疾也

無施於民無援於

外去晉而不送歸楚而不逆何以冀國

傳言子干

所以蒙弒君之名弃疾所以得國。施式豉反晉成虎祁

在八年。虎音斯

諸侯朝而歸者皆有貳心

賤其奢也為取鄭故

在十年。為于晉將以諸侯來討叔向曰諸

侯不可以不示威

知晉德薄欲以威服之

乃竝徵會告

于吳秋晉侯會吳子于良

下邳有良城縣水道不可

吳子辭乃還

辭不

七月丙寅治兵于邾南甲

車四千乘

三十萬人

羊舌鮒攝司馬

鮒叔向弟也攝兼官遂

合諸侯于平丘子產子大叔相鄭伯以會子

產以幄幕九張行

幄幕軍旅之帳

子大叔以四十既

而悔之每舍損焉及會亦如之

亦九張也。傳言子產之適

宜。犬叔之從善

次于衛地。叔鮒求貨於衛。淫芻蕘者

欲使衛患之而致貨。芻如遙反。

衛人使屠伯饋叔向羹。與

一篋錦

屠伯。衛大夫。

曰。諸侯事晉。未敢攜貳。況衛

在君之宇下

屋宇之下。喻近也。

而敢有異志。芻蕘者

異於他日。敢請之

請止之。

叔向受羹反錦

受羹。示不

逆其意。且非貨。

曰。晉有羊舌鮒者。瀆貨無厭。

瀆。數也。厭。於

亦將及矣

將及禍。

為此役也

役。事也。

子若以君

命賜之。其已。客從之。未退而禁之

禁芻蕘者。

晉人

將尋盟。齊人不可

有貳心。故。

晉侯使叔向告劉獻

公

獻公。王卿士。劉子。

曰。抑齊人不盟。若之何。對曰。盟

以底信

底。致也。

君苟有信。諸侯不貳。何患焉。告

之以文辭。董之以武師。雖齊不許。君庸多矣

董。督也。庸。功也。討之。有辭。故功多也。

天子之老。請帥王賦。元戎

十乘以先啓行

天子大夫稱老。元戎。戎車。在前者。啓。開也。行道也。

遲

速唯君

欲佐晉討齊。

叔向告于齊。曰。諸侯求盟。已

在此矣。今君弗利。寡君以為請。對曰。諸侯討

貳。則有尋盟。若皆用命。何盟之尋

託用命。以拒晉。叔

向曰。國家之敗。有事而無業。事則不經。業。貢賦之

業。有業而無禮。經則不序。須禮而有次序。有禮而無

威。序則不共。禮須威嚴而後共。有威而不昭。共則不

明。威須昭告神明而後信義著。不明弃共。百事不終。所由

傾覆也。信義不明則弃威。不威弃禮。無禮無經。無經無業。故百事不成。是故

明王之制。使諸侯歲聘以志業。志。識也。歲聘以脩其職業

閒朝以講禮。三年而一朝。正班爵之義。閒。去聲。再朝

而會以示威。六年而一會。以訓上節。再會而盟。下之則制財用之節

以顯昭明。十二年而一盟。所以昭信義也。凡八聘四朝再會。王一巡守。盟于方

嶽之志業於好。聘也。呼報反。好。朝也。講禮於等。朝也。示威

於衆。會也。昭明於神。盟也。自古以來。未之或失也。

存亡之道。恒由是興。晉禮主盟。依先王先公舊禮。主諸侯

盟。懼有不治。奉承齊犧。齊盟之犧牲。犧。許宜反。而布諸

君。求終事也。終。竟也。君曰。余必廢之。何齊之有。

唯君圖之。寡君聞命矣。齊人懼。對曰。小國言

之大國制之。敢不聽從。既聞命矣。敬共以往。

遲速唯君。叔向曰。諸侯有閒矣。閒。隙也。不可以

不示衆。八月辛未。治兵。建而不旆。建立旌旗。不曳

其旆。旆。壬申復旆之。諸侯畏之。軍將戰則旆。故曳旆以恐

之。復邾人莒人愬于晉曰。魯朝夕伐我。幾

亡矣。自昭公即位。邾魯同好。又不朝夕伐莒。無故怨愬。晉人信之。所謂讒慝弘多。

我之不共。魯故之以。不共。晉貢。以魯故也。晉侯不見公。

使叔向來辭曰。諸侯將以甲戌盟。寡君知不

得事君矣。請君無勤。託謙辭。以絕魯。子服惠伯對曰。

君信蠻夷之訴。蠻夷。謂邾莒。以絕兄弟之國。弃周

公之後。亦唯君。寡君聞命矣。叔向曰。寡君有

甲車四千乘在。雖以無道行之。必可畏也。況

其幸道。其何敵之有。牛雖瘠。饋於豚上。其畏

不死。饋。什也。饋。方問反。南蒯子仲之憂。其庸可弃乎。

弃。猶忘也。若奉晉之衆。用諸侯之師。因邾莒杞鄆

之怒。四國近魯。數以小事相忿。鄆已滅。其民猶存。故并以恐魯。以討魯罪。

間其二憂。因南蒯子仲。二憂為間隙。何求而弗克。魯人懼。

聽命。不敢與盟。甲戌同盟于平丘。齊服也。經所以稱同。

令諸侯日中造于除。除。地為壇。盟會處。造。七報反。壇。音善。癸

酉退朝。先盟朝晉。先悉薦反。子產命外僕速張於除

幕。張。幄。子大叔止之。使待明日。及夕。子產聞其

未張也使速往乃無所張矣

地已滿也。傳言子產每事敏於

叔及盟子產爭承

承貢賦之次

曰昔天子班貢輕

重以列

列位也

列尊貢重周之制也

公侯地廣故所貢者

多卑而貢重者甸服也

甸服謂天子畿內共職貢者

鄭伯

男也而使從公侯之貢

言鄭國在甸服外。爵列伯子男不應出公

侯之貢

懼弗給也敢以為請諸侯靖兵好以為

事

靖息也。好呼報反

行理之命

行理使人通聘問者

無月不至

貢之無藝

藝法制

小國有闕所以得罪也諸侯

脩盟存小國也貢獻無極亡可待也存亡之

制將在今矣自日中以爭至于昏晉人許之

既盟子大叔咎之曰諸侯若討其可瀆乎

瀆易

也。易以鼓反

子產曰晉政多門

政不出一家

貳偷之不

暇何暇討

貳不壹偷苟且

國不競亦陵何國之為

不競

爭則為人所侵陵不成為國

公不與盟

信邾莒之許欲討魯故

晉人

執季孫意如以幕蒙之

蒙裏也

使狄人守之司

鐸射

魯大夫射食亦反又食夜反

懷錦奉壺飲冰以蒲伏

焉守者御之乃與之錦而入

蒲伏竊往飲季孫冰箭簞蓋可

以取飲。奉芳勇反蒲步都反又音扶伏蒲北反又音服御魚呂反飲於鳩反簞音童又

晉人以平子歸。子服湫從。湫子服惠伯從。至晉。

子產歸。未至。聞子皮卒。哭。且曰：吾

已。已猶決。竟。無為為善矣。唯夫子知我。言子皮知已之善。

仲尼謂子產於是行也。足以為國基矣。詩曰：

樂旨君子。邦家之基。詩小雅。言樂與君子為治。乃國家之基本。

子產君子之求樂者也。且曰：合諸侯。藝貢事。禮

也。嫌爭競不順。故以禮明之。鮮虞人聞晉師之悉起也。五年

傳曰：遺守四千。今甲而不警。邊且不脩。備言

謀。無。晉荀吳自著雍。以上軍侵鮮虞。及中人。

驅衝競。中山望都縣西北有中城。驅衝車與狄爭逐。大獲而歸。為

五年。晉伐鮮虞。起。楚之滅蔡也。靈王遷許。胡沈道房。

申於荆焉。平王即位。既封陳蔡。而皆復之。禮

也。滅蔡在十一年。許。胡。沈。小國也。道。房。申。皆故諸侯。楚滅以為邑。荆。荆山也。傳言平王

得安民之禮。汝南有吳防縣。即防國。隱大子之子廬歸于蔡。禮

也。隱大子。大子有也。廬。蔡平侯。悼大子之子吳歸于陳。禮

也。悼大子。偃師也。吳。陳惠公。冬十月。葬蔡靈公。禮也。國復成禮。

楚所封不得比諸侯。故明之。公如晉。荀吳

謂韓宣子曰：諸侯相朝。講舊好也。執其卿而

朝其君。有不好焉。不如辭之。乃使士景伯辭。

公子河

景伯。士文伯之子。彌牟也。舊好呼報反。

吳滅州來。令尹

子旗請伐吳。王弗許。曰。吾未撫民人。未事鬼

神。未脩守備。未定國家。而用民力。敗不可悔。

州來在吳。猶在楚也。子姑待之。

傳言平王所以能有國。

季孫猶在晉。子服惠伯私於中行穆子。

私與之語。

曰。魯事晉。何以不如夷之小國。魯兄弟也。土

地猶大。所命能具。若為夷弃之。使事齊楚。其

何瘳於晉。

瘳。差也。為手偽反。下同。

親親與大賞。共罰否。

所以為盟主也。子其圖之。諺曰。臣一主二。

臣必有二主。道不合。得去事他國。

吾豈無大國。

言非獨晉可事。穆子

告韓宣子。且曰。楚滅陳。蔡不能救。而為夷執

親。將焉用之。乃歸季孫。惠伯曰。寡君未知其

罪。合諸侯而執其老。

老。尊卿稱。

若猶有罪。死命可

也。

死。晉命也。

若曰無罪。而惠免之。諸侯不聞。是逃

命也。何免之為。請從君惠於會。

欲得盟。會見遣。不欲私去。

宣子患之。謂叔向曰。子能歸季孫乎。對曰。不

能。鮒也能。

鮒。叔魚。

乃使叔魚。叔魚見季孫曰。昔

鮒也。得罪於晉君，自歸於魯君。

蓋襄二十一年，坐叔虎與

樂氏黨，并得罪。微武子之賜，不至於今。

武子，季平子祖父。雖

獲歸骨於晉，猶子則肉之，敢不盡情歸子而

不歸。鮒也。聞諸吏，將為子除館於西河。

西使近河

其若之何？且泣。

泣以信其言。

平子懼，先歸。惠伯待

禮。

待見遣之禮。

經十有四年，春意如至自晉。

書至者，喜得免。

三月，曹

伯滕卒。

無傳。四同盟。

夏四月，

無傳。

葬曹武公。無八

月，莒子去疾卒。

未同盟。去起呂反。

冬，莒殺其公子意

恢。

以禍亂告，不必繫於為卿，故雖公子亦書。意恢與亂君為黨，故書名。惡之。恢苦回

反惡為路反。

傳十四年，春意如至自晉，尊晉罪已也。

以舍族為

尊晉罪已。舍音捨。

禮也。

禮，脩已而不責人。

南蒯之

將叛也。盟費人司徒老祁慮癸。

二人，南蒯家臣。

偽廢

疾，使請於南蒯曰：「臣願受盟而疾興，若以君

靈不死，請待間而盟。」

間，差也。差，初賣反。

許之。二子因

民之欲叛也，請朝衆而盟。

欲，因合衆以作亂。

遂劫南

蒯，曰：「羣臣不忘其君。」

君謂季氏。

畏子以及今。三年

聽命矣。子若弗圖，費人不忍其君，將不能畏。

子矣。不能復畏子。畏子以及今。絕句。子何所不逞，欲請送

子。送使。出奔。請期五日。南蒯請期。冀有變。遂奔齊，待飲酒

於景公。公曰：「叛夫。」戲。對曰：「臣欲張公室也。」張。

也。子韓皙曰：「夫齊大，家臣而欲張公室，罪莫大

焉。」言越職。司徒老祁慮癸來歸，費歸齊侯使鮑

文子致之。南蒯雖叛，費人不從。未專屬齊。二子逐蒯而復其舊，故經不書歸費。

以假好，非事實也。夏，楚子使然丹簡上國之

兵於宗丘，且撫其民。上國在國都之西。西方居上流，故謂之上國。宗

丘。楚地。分貧振窮。分與也。振救也。如字。徐甫問反。長孤幼，養

老疾，收介特。介特，單身民也。收，養不使流散。長，丁丈反。救災患，

宥孤寡。寬其賦稅。赦罪戾，詰姦慝。詰，責問也。起吉反。舉

淹滯。淹滯，有才德而未敘者。禮新敘舊。新，羈旅也。祿勲，合親

勲。勲，功也。親，九族。任良物官。物，事也。使屈罷簡東國之兵

於召陵。兵在國都之東者。召，上照反。亦如之。如，然也。丹。好

於邊疆。結好四鄰。呼報反。息民五年，而後用師。禮

也。秋八月，莒著丘公卒，郊公不慙。郊公，著丘公子。著，

直居反。徐國人弗順，欲立著丘公之弟庚與

直據反。

庚與莒共公蒲餘侯惡公子意恢而善於庚

與蒲餘侯莒大夫茲夫也。意恢。郊公惡公子

鐸而善於意恢鐸亦羣公子鐸因蒲餘侯而

與之謀曰爾殺意恢我出君而納庚與許之

為下冬殺意恢傳楚令尹子旗有德於王不知度有

立之德與養氏比而求無厭養氏子旗之黨。養

志反厭王患之九月甲午楚子殺鬬成然而

滅養氏之族使鬬辛居鄭以無忘舊勳辛子

子。鄭公辛冬十二月蒲餘侯茲夫殺莒公子

意恢郊公奔齊公子鐸逆庚與於齊齊隰黨

公子鉏送之有賂田莒賂齊晉邢侯與雍子

爭鄆田邢侯楚申公巫臣之子也。雍子亦久

而無成士景伯如楚士景伯叔魚攝理攝代

韓宣子命斷舊獄罪在雍子雍子納其女於

叔魚叔魚蔽罪邢侯蔽斷也。斷丁邢侯怒

殺叔魚與雍子於朝宣子問其罪於叔向叔

向曰二人同罪施生戮死可也施行雍子自

知其罪而賂以買直鮒也鬻獄邢侯專殺其

罪一也。已惡而掠美為昏。

掠取也。昏亂也。鬻羊六反。掠音亮。

貪以敗官為墨。

墨不潔之稱。必邁反。又如字。

殺人不忘。

為賊也。忌。畏。

夏書曰：昏墨賊殺。

逸書三者皆死刑。

皐陶

之刑也。請從之。乃施邢侯而尸。雍子與叔魚

於市。仲尼曰：叔向古之遺直也。

言叔向之直。有古人遺風。

施如字。孔晁注國語。尸氏反。

治國制刑不隱於親。

謂國之大問。已

所答當也。至於他事。則宜有隱。當丁浪反。

三數叔魚之惡。不為

末減。

末薄也。減輕也。皆以正言。數色主反。又色具反。

曰：義也。夫可

謂直矣。

於義未安。直則有之。夫音扶。一芳于反。

平丘之會。數其

賄也。

謂言瀆貨無厭。

以寬衛國。晉不為暴。歸魯季孫

稱其詐也。

謂言訥也。能。

以寬魯國。晉不為虐。邢侯

之獄。言其貪也。以正刑書。晉不為頗。三言而

除三惡。加三利。

三惡。暴虐。頗也。三利。除則三利加。頗。普何反。

殺親

益榮。

榮名。益已。

猶義也。夫

三罪。唯答宜子問。不可。以不正。其餘則以直傷

疑之。義。故重。

經十有五年。春。王正月。吳子夷末卒。

無傳。未同盟。

二月癸酉。有事于武宮。籥入。叔弓卒。去樂卒。

事

略書有事。為叔弓卒起也。武宮。魯武公廟。成六年復立之。去起呂反。

夏。蔡

昭十五年
左傳卷二十三
朝吳出奔鄭

朝吳不遠讒人所見逐而書名

六月丁巳朔

日有食之

無傳

秋晉荀吳帥師伐鮮虞冬公如

晉

傳十五年春將禘于武公戒百官

齊戒

梓慎曰

禘之日其有咎乎吾見赤黑之禋非祭祥也

喪氛也

禋妖氛也蓋見於宗廟故以為非祭祥也氣惡氣也

禋子鳩反氛芳云

其在泣事乎

泣臨也

二月癸酉禘叔弓泣事

籥入而卒去樂卒事禮也

大臣卒故為之去

樂去起呂反

楚費無極害朝吳之在蔡也

朝吳蔡大夫有功於楚平王故

無極恐其有寵疾害之費扶味反欲去之乃謂之曰王唯信

子故處子於蔡子亦長矣而在下位辱必求

之吾助子請

請求上位

又謂其上之人

蔡人在上位者曰

王唯信吳故處諸蔡二三子莫之如也而在

其上亦難乎弗圖必及於難夏蔡人逐朝

吳朝吳出奔鄭王怒曰余唯信吳故實諸蔡

且微吳吾不及此女何故去之無極對曰臣

豈不欲吳

非不欲善吳於難乃且反

然而前知其為人

之異也

言其多權謀

吳在蔡蔡必速飛去吳所以

翦其翼也

以鳥喻也。言吳在蔡必能使蔡速強而背楚。

六月乙丑

王太子壽卒

周景王子

秋八月戊寅王穆后崩

子大

壽之母也。傳為晉荀躒如周葬穆后起。

晉荀吳帥師伐鮮虞圍

鼓

鼓。白狄之別。鉅鹿下曲陽縣有鼓聚。

鼓人或請以城叛穆子

弗許。左右曰：師徒不勤而可以獲城，何故不

為？穆子曰：吾聞諸叔向曰：好惡不愆，民知所

適，事無不濟。

愆，過也。適，歸也。

或以吾城叛，吾所甚惡

也。人以城來，吾獨何好焉？賞所甚惡，若所好

何

無以復加所好。

若其弗賞，是失信也。何以庇民力

能則進，否則退。量力而行，吾不可以欲城而

邇姦，所喪滋多。使鼓人殺叛人，而繕守備，圍

鼓三月。鼓人或請降，使其民見曰：猶有食色，

姑脩而城。軍吏曰：獲城而弗取，勤民而頓兵，

何以事君？穆子曰：吾以事君也。獲一邑而教

民怠，將焉用邑？邑以賈怠，不如完舊。

完，猶保守。見

賢遍反。賈音古。下同。賈怠無卒

卒，終也。

弃舊不祥。鼓人能

事其君，我亦能事吾君，率義不爽

爽，差也。好惡

不愆，城可獲而民知義所

知義所在也。荀吳必其能獲，故因以

示義有死命而無二心不亦可乎。鼓人告食竭

力盡而後取之。克鼓而反。不戮一人。以鼓子

戴鞮歸。戴鞮。鼓君名。戴鞮。全反。鞮。丁兮反。冬。公如晉。平丘之

會故也。平丘會。公不與盟。季孫見。執。今既得免。故往謝之。十二月。晉

荀躒如周葬穆后。籍談為介。既葬除喪。以文

伯宴樽以魯壺。文伯。荀躒也。魯壺。魯所獻壺樽。躒。力狄反。王曰。

伯氏諸侯皆有以鎮撫王室。晉獨無有。何也

感魯壺而言也。鎮撫王室。謂貢獻之物。文伯揖籍談。文伯無辭。揖籍談使

對曰。諸侯之封也。皆受明器於王室。謂明德之

分器。分。扶問反。以鎮撫其社稷。故能薦彝器於王

鄰。而遠於王室。王靈不及。拜戎不暇。言王寵靈不見

及。故數為戎所加。陵。其何以獻器。王曰。叔氏

而忘諸乎。叔。籍談字。叔父唐叔。成王之母弟也。其

反無分乎。密須之鼓。與其大路。文所以大蒐

也。密須。姞姓國也。在安定陰密縣。文王所求反。闕鞏

之甲。武所以克商也。闕鞏。國所出鎧。鞏。九勇反。唐叔受

之以處參虛。匡有戎狄。參虛。實沈之次。晉分野。參。所金反。

-2 222 35 881" data-label="Text">

其後襄之二路

周襄王所賜晉文公大路戎路

鉞鉞

也。鉞。金。鉞。鉞。黑。黍。鬯。香。酒。鉞。音。戚。鉞。音。越。

彤弓虎賁文公受之

以有南陽之田

事在僖二十八年

撫征東夏非分而

何夫有勳而不廢

加重賞

有績而載

書功於策

奉之

以土田

有南陽

撫之以彝器

弓鉞之屬

旌之以車服

襄之二路

明之以文章

旌

子孫不忘所謂福也福

祚之不登叔父焉在

言福祚不在叔父當在誰耶。福祚之不登叔

父絕

且昔而高祖孫伯鷹司晉之典籍以為

大政故曰籍氏

孫伯鷹晉正卿

籍談

及辛有

之二子董之晉於是乎有董史

辛有周人也其二子適晉

為大史籍鷹與之共董督晉典因為董氏董狐其後

女司典之後也何

故忘之籍談不能對賓出王曰籍父其無後

乎數典而忘其祖

忘祖業。女音數。色主反。

籍談歸以

告叔向叔向曰王其不終乎吾聞之所樂必

卒焉今王樂憂若卒以憂不可謂終王一歲

而有三年之喪二焉

天子絕期。唯服三年。故后雖期。通謂之三年喪。

其反。期居

於是乎以喪賓宴又求彝器樂憂甚

矣且非禮也彝器之來嘉功之由非由喪也

三年之喪雖貴遂服禮也

天子諸侯除喪當在卒哭。今王既葬

而除。故譏其不遂。

王雖弗遂宴樂以早亦非禮也

言

雖不能遂服。猶當靜嘿。而便禮。王之太經也。宴樂。又失禮也。○黑亡北反。

一動而失二禮無大經矣

失二禮。謂既不言遂服。又設中宴樂。

以考典考成也典以志經忘經而多言舉典將

焉用之

為二十二年王室亂傳

經十有六年春齊侯伐徐楚子誘戎蠻子殺

之夏公至自晉秋八月己亥晉侯夷卒

未同盟

九月大雩季孫意如如晉冬十月葬晉昭公

三月而葬速

傳十六年春王正月公在晉晉人止公不書

諱之也

猶以取鄭故也。公為晉人所執止故諱不書。

齊侯伐徐楚

子聞蠻氏之亂也與蠻子之無質也

質信也。○質之

實反。或音致。

使然丹誘戎蠻子嘉殺之遂取蠻氏

既而復立其子焉禮也

詐之非也。立其子禮也。河南新城縣東南

有蠻城

二月丙申齊師至于蒲隧

蒲隧徐地。下邳取慮縣東

有蒲如陂。○慮上音秋。下力居反。

取

徐人行成徐子及邾

人莒人會齊侯盟于蒲隧賂以甲父之鼎

甲父

古國名。高平昌邑縣東南有甲父亭。徐人得甲父鼎以賂齊。叔孫昭子曰。

諸侯之無伯。害哉。為小國害。齊君之無道也。與師

而伐遠方。會是有成而還。莫之亢也。無亢無

伯也。夫詩曰。宗周既滅。靡所止戾。正大夫離

居莫知我肄。詩小雅。戾定也。肄勞也。言周舊

執政大夫。離居異心。無有念民勞者也。○肄以制反。其是之謂平。晉之言

衰三月。晉韓起聘于鄭。鄭伯享之。子產戒曰。

苟有位於朝。無有不共恪。孔張後至。立於客

間。孔張子孫執政禦之。執政掌位列者。禦止也。適客後。又

禦之。適縣間。縣樂肆。音玄。客從而笑之。事畢。富

子諫。富子。鄭大夫。諫子產也。曰。夫大國之人。不可不慎

也。幾為之笑。而不陵我。言數見笑則心陵侮我。幾居豈反。又音

機我皆有禮。夫猶鄙我。鄙賤也。夫音扶。國而無禮。

何以求榮。孔張失位。吾子之恥也。子產怒曰。

發命之不衷。衷當也。東丁仲反。又音忠。出令之不信。刑

之頗類。緣事類以成偏頗。頗普獄之放紛

放。縱也。紛。亂也。會朝之不敬。謂國無禮。敬之心。使命之不聽

下不從。上命。取陵於大國。罷民而無功。罪及而弗

知僑之恥也。孔張君之昆孫。子孔之後也。昆

也。子孔。鄭襄公兄。孔張之祖父。執政之嗣也。子孔嘗執鄭國之政。

為嗣大夫。承命以使。周於諸侯。國人所尊。諸

侯所知。立於朝而祀於家。卿得自立廟於家。使所吏反。有

祿於國。受祿邑。有賦於軍。軍出。卿賦百乘。喪祭有職。所有

主受脤歸脤。受脤。謂君祭以肉。賜大夫。歸脤。謂大夫祭歸肉於公。皆社之戎

祭也。脤。市軫反。其祭在廟。已有著位。在位數世。世

守其業。而忘其所僑。焉得恥之。其祭在廟。謂助君祭。數

色主反。辟邪之人。而皆及執政。是先王無刑罰

也。言為過謬者。自應用刑罰。辟。匹亦反。子寧以他規我。規。正也。

宣子有環。其一在鄭商。玉環。同工共。自共為雙。宣子謁

諸鄭伯。謁。請也。子產弗與。曰。非官府之守器也。

寡君不知。子大叔子羽。謂子產曰。韓子亦無

幾求。言所求少。幾。居豈反。晉國亦未可以貳。晉國韓

子不可偷也。偷。薄也。若屬有讒人。交鬪其間。鬼

神而助之。以興其凶怒。悔之何及。吾子何愛

於一環。其以取憎於大國也。盍求而與之。子

產曰。吾非偷晉。而有二心。將終事之。是以弗

昭十六年 左傳卷三十三 三十三

與忠信故也。僑聞君子非無賄之難，立而無令名之患。僑聞為國，非不能事大字小之難。無禮以定其位之患。夫大國之人，令於小國，而皆獲其求，將何以給之？一共一否，為罪滋大。滋，益也。屬音燭，難乃。大國之求，無禮以斥之，何饜之有？吾且為鄙邑，則失位矣。不復成國。若韓子奉命以使而求玉焉，貪淫甚矣，獨非罪乎？出一玉以起一罪，吾又失位。韓子成貪，將焉用之？且吾以玉賈罪，不亦銳乎？

銳，細小也。賈音古。韓子買諸賈人，既成賈矣。商人曰：必告君大夫。韓子請諸子產，曰：日起，請夫環。執政弗義，弗敢復也。復，重求也。成賈音嫁。請夫音扶，重直用反。今買諸商人，商人曰：必以聞，敢以為請。子產對曰：昔我先君桓公與商人皆出自周。鄭本在周。以艾殺此地，斬之蓬蒿藜藿，而共處之。世有盟誓，以相信也。曰：爾無我叛，我無強賈。無強，市其物。艾，魚廢反。藿，徒弔反。母或，凶奪。爾

強其丈反。下強奪同。又其良反。

昭十六年 左傳卷三十三 三十三

有利市寶賄。我勿與知。恃此質誓。故能相保。以至於今。今吾子以好來辱。而謂敝邑強奪。商人。是教敝邑背盟誓也。毋乃不可乎。吾子得玉而失諸侯。必不為也。若大國令。而共無藝。藝藝法也。鄭鄙邑也。亦弗為也。不欲為鄙邑之事。僑若獻玉。不知所成。敢私布之。布。陳也。韓子辭玉曰。起不敏。敢求玉以徼二罪。敢辭之。傳言子產能改過。宣子徼古堯反。夏四月。鄭六卿餞宣子於郊。餞。送也。宣子曰。二三君子請皆賦。起亦以知鄭志。

詩言也。子齏賦。野有蔓草。子。齏。子皮之子。嬰。齊也。野有蔓草。詩鄭風。

取其邂逅相遇。適我願兮。反。字林。才可反。宣子曰。孺子善哉。

吾有望矣。君子相願也。子產賦。鄭之羔裘。言鄭別於

唐羔裘也。取其彼已之。舍命不渝。邦之彦兮。以美韓子。已音記。舍音赦。又音捨。宣

子曰。起不堪也。不堪。國之司直。子大叔賦。褰裳。褰裳。詩曰。

子惠思我。褰裳涉溱。子不我思。豈無他人。言宣子思已。將有褰裳之志。如不我思。亦豈無

他。宣子曰。起在此。敢勤子至於他人乎。言已

好在。此不復。子大叔拜。謝宣子。宣子曰。善哉。

子之言。是是。褰裳。不有是事。其能終乎。韓起不

桑山

三子。鄭大夫有事祭也。柎音附。又方于反。

斬其木。不雨。子

產曰。有事于山。藝山林也。

藝。養護。令繁。音藝。而斬

其木。其罪大矣。奪之官邑。冬十月。季平子如

晉葬昭公。平子曰。子服回之言猶信之。乃信

回。子服氏有子哉。子有賢也。

經。十有七年。春。小邾子來朝。夏六月。甲戌朔。

日有食之。秋。郊子來朝。八月。晉荀吳帥師滅

陸渾之戎。渾。戶反。冬。有星孛于大辰。大辰。房心尾也。

妖變非常。故李音佩。楚人及吳戰于長岸。吳楚兩敗。莫肯告負。

故但書戰而不書敗也。長岸。楚地。

晉大夫趙盾與欒穀俱入

傳十七年。春。小邾穆公來朝。公與之燕。季平

子賦采叔。采叔。詩小雅。取其君子來朝。何錫與之。以穆公喻君子。穆公

賦菁菁者莪。菁菁者莪。亦詩小雅。取其既昭見君子樂且有儀。以答采叔。昭

子曰。不有以國其能久乎。嘉其能答賦。言其賢故能久有國。

夏六月。甲戌朔。日有食之。祝史請所用幣。禮。

陽之月。日食。當用幣於社。故請之。昭子曰。日有食之。天子不

舉。不舉。盛饌。伐鼓於社。責羣。陰。諸侯用幣於社。請上。

伐鼓於朝。退自責。禮也。平子禦之。禦。禁也。曰止也。

唯正月朔。慝未作。日有食之。於是乎有伐鼓用幣。禮也。其餘則否。大史曰：在此月也。謂建

巳。正陽之月也。於周為六月。於夏為四月。慝。陰氣也。四月純陽用事。陰氣未動而侵陽。災重。故有伐鼓用幣之禮也。平子以為六月日非正月。故大史答言在此月也。正音政。

過分而未至。過春分而未夏至。三辰有災。三辰。日月星也。日月相侵。又犯是宿。於是乎百官降物。素服。君不

舉辟移時。辟。正寢過。日食時。樂奏鼓。祝用幣。用幣。於社

史用辭。用辭。以自責。故夏書曰：辰不集于房。逸書也。集。

安也。房。舍也。日月不安其舍則食。瞽奏鼓。瞽。樂師。嗇夫馳。庶人

走。車馬曰馳。步曰走。為救日食備也。此月朔之謂也。當夏四

月。謂之孟夏。言此六月。當夏家之四月。平子弗從。昭子退

曰：夫子將有異志。不君君矣。安君之災。故曰有異志。秋

郊子來朝。公與之宴。昭子問焉。曰：少皞氏鳥

名官。何故也。少皞。金天氏。黃帝之子。巳姓。郊之祖也。問何故以鳥名官。郊

子曰：吾祖也。我知之。昔者黃帝氏以雲紀。故

為雲師。而雲名。黃帝。軒轅氏。姬姓之祖也。黃帝受命有雲瑞。故以雲紀事。

百官師長皆以雲為名號。縉。縉氏。蓋其一官也。縉音進。炎帝氏以火紀。

故為火師。而火名。炎帝。神農氏。姜姓之祖也。亦有火瑞。以火紀事。名百

正傳卷之三十三

官共工氏以水紀故為水師而水名

共工以諸侯霸

有九州者在神農前犬皞後亦受水瑞以水名官

共音恭大皞氏以龍

紀故為龍師而龍名

大皞伏犧氏風姓之祖也。有龍瑞故以龍命官

我高祖少皞摯之立也鳳鳥適至故紀於鳥

為鳥師而鳥名鳳鳥氏歷正也

鳳鳥知天時故以名歷正

之官玄鳥氏司分者也

玄鳥燕也。以春秋分去

伯趙氏

司至者也

伯趙伯勞也。以夏至鳴冬至止

青鳥氏司啓者也

青鳥鷦鷯也。以立春鳴立夏止。鷦鷯音倉鳩於諫反

丹鳥氏司閉者也

丹鳥鷩雉也。以立秋來立冬去。入大水為蜃。上四鳥皆歷正之屬官。鷩必滅反蜃市軫

反祝鳩氏司徒也

祝鳩鷦鷯也。鷦鷯音焦。故為司徒主教民。鷦音焦

鳴鳩氏司馬也

鳴鳩王鵙也。鵙而有別故為司馬主法制。鳴七徐反鵙

至音鳴鳩氏司空也

鳴鳩鵙鵙也。鳴鳩平均故為司空平水土。鵙簡八

反。又音吉。鶉居六反

爽鳩氏司寇也

爽鳩鷹也。鷩故為司寇主盜賊鶉

鳩氏司事也

鶉鳩鶉也。春來冬去故為司事

五鳩鳩氏者

也鳩聚也。治民上

五雉為五工正

五雉雉有五種。西方

曰鷩雉。東方曰鷩雉。南方曰翟雉。北方曰鶉雉。伊洛之南曰翬雉。種章勇反鶉音存。又

音遵。鷩側其反。翟音狄。又利器用正度量。夷如字。鷩香衣反。翬許韋反。

民者也

夷平也。量音亮

九扈為九農正

扈有九種也。春扈鶉

鷓。夏扈竊玄。秋扈竊藍。冬扈竊黃。棘扈竊丹。行扈。喑喑。宵扈。噴噴。桑扈。竊脂。老扈。鷓鷓。以九扈為九農之號。各隨其宜。以教民事。○音戶。鵠。扶云反。鵠。勅倫反。喑。側百反。又助額。反。噴。音責。又音曠。 扈民無淫者也。使不淫放。止民。 自顓

頊以來不能紀遠。乃紀於近。為民師而命以

民事。則不能故也。顓頊氏。代少皞者。德不能致遠瑞。而以民事命官。

仲尼聞之。見於郊子而學之。於是仲尼。年二十八。 既而

告人曰。吾聞之。天子失官。學在四夷。猶信。失官。不脩其職也。傳言聖人無常師。 晉侯使屠蒯如周。請有事

於雒。與三塗。屠蒯。晉侯之膳宰也。以忠諫見。進。雒。雒水也。三塗。山名。在陸渾

南。○蒯。苦怪反。 蒯弘謂劉子曰。客容猛。非祭也。其伐我乎。陸渾氏甚睦於楚。必是故也。君其備之。

乃警戎備。警。戒以備戎也。欲因晉以合勢。 九月。丁卯。晉荀吳

帥師涉自棘津。名。河津。 使祭史先用牲于雒。陸

渾人弗知。師從之。庚午。遂滅陸渾。數之以其

貳於楚也。陸渾子奔楚。其眾奔甘鹿。甘鹿。周地。 周

大獲。先警戎。備。故獲。 宣子夢文公攜荀吳。而授之陸

渾。故使穆子帥師。獻俘于文宮。欲以。應夢。 冬。有星

孛于大辰。西。及漢。夏之八月。辰星見。在天漢。西。今孛星出。辰。西。光芒東。

三傳卷之三十一

及天申須曰彗所以除舊布新也申須魯大夫。彗似

銳反。又息遂反。天事恒象天道恒以象類告示人。今除於火。

出必布焉。諸侯其有火災乎。今火向伏。故知當須火出。乃布

散為災。梓慎曰。往年吾見之。是其徵也。徵。始有形象而

微也。火出而見。前年火出時。見賢遍反。今茲火出而章。必

火入而伏。隨火沒也。其居火也久矣。歷二年。其與不

然乎。言必然也。與如字。又音預。火出於夏為三月。謂昏

於商為四月。於周為五月。夏數得天。得天正。若

火作。其四國當之。在宋衛陳鄭平。宋大辰之

虛也。大辰。大火。宋分野。虛起居反。下同。陳大皞之虛也。大皞居陳。

木。火所自出。鄭祝融之虛也。祝融。高辛氏正。居鄭。皆火房

也。房。舍也。星孛及漢。漢水祥也。天漢。水也。衛顓頊之

虛也。故為帝丘。衛。今濮陽縣。昔帝顓頊居之。其城內有顓頊冢。其星

為大水。衛星。營室。水也。水火之牡也。牡。雄也。其以丙

子若壬午作乎。水火所以合也。丙午。火。壬子。水。水火合而

相薄。水少而火多。故水不勝火。薄。音博。若火入而伏。必以壬午

尚未知。今孛星當復隨火星。俱伏不。故言若。復扶又反。不過其見之月

火見。周之五月。鄭裨竈言於子產曰。宋衛陳鄭將同

日火若我用瓘斝玉瓚鄭必不火

瓘。珪也。斝。玉爵也。瓚。

勺也。欲以禳火。禪。婢支反。斝。古雅反。瓚。才旦反。勺。上若反。

子產弗與以為

天災流行。非禳所息故也。為明年宋衛陳鄭災傳。

吳伐楚陽句為令

尹上戰不吉

陽句。穆王曾孫。令尹子瑕。

司馬子魚曰我得

上流何故不吉

子魚。公子魴也。順江而下。易用勝敵。魴。音房。且楚

故司馬令龜我請改卜令曰魴也以其屬死

之楚師繼之尚大克之吉

得吉。非。戰于長岸子

魚先死楚師繼之大敗吳師獲其乘舟餘皇

餘皇。舟名。乘。如字。又繩證反。使隨人與後至者守之環而

塹之及泉

環。周也。如字。又音患。

盈其隧炭陳以待命

隧。出入道。

吳公子光

光。諸樊子。闔廬。

請於其眾曰喪先王

之乘舟豈唯光之罪眾亦有焉請藉取之以

救死

藉。眾之力。以取舟。

眾許之使長鬣者三人

長鬣。多鬣。

鬣。與吳人異。形狀詐。為楚人。鬣。力輒反。

潛伏於舟側曰我呼餘

皇則對師夜從之

師。吳師也。呼。路反。又如字。

三呼皆迭

迭。更也。

楚人從而殺之楚師亂吳人大敗之

取餘皇以歸

傳言吳光有謀。

春秋經傳集解昭公四第二十三

修惡積熟。以乙卯日而毛得以濟。修於王都。

不亡何待。為二十六年三月曹平公卒。為下

見原伯夏五月火始昏見。火心星。見賢遍反。丙子風。

梓慎曰：是謂融風，火之始也。東北曰融風。融風木也。木火母。

故曰火七日其火作乎。從丙子至壬午七日。故

知當戊寅風甚，壬午大甚。宋衛陳鄭皆火，梓

慎登大庭氏之庫以望之。大庭氏古國名。在魯城內。魯於其處

作庫高顯。故登以望氣。曰：宋衛陳鄭也。數日

皆來告火。言經所以書裊竈曰：不用吾言。鄭

又將火。前年裊竈欲用。瓘擊禳火。鄭人請用

之。信竈子產不可。子大叔曰：寶以保民也。若

有火，國幾亡，可以救亡。子何愛焉？子產曰：天

道遠，人道邇，非所及也。何以知之？竈焉知天

道，是亦多言矣。豈不或信。多言者。或時有中

遂不與，亦不復火。傳言天道難明。雖裊鄭之

未災也。里析告子產曰：將有大祥。里析鄭大夫。祥變異

之民震動，國幾亡。吾身泯焉，弗良及也。言將

死。先國遷，其可乎？子產曰：雖可，吾不足以

定遷矣子產知天災不可逃非及火里析死

矣未葬子產使輿三十人遷其柩以其嘗與

火作子產辭晉公子公孫于東門晉人新來

不使前也使司寇出新客新來聘者禁舊客勿出於宮

為其知國情不欲令去使子寬子上巡羣屏攝至于大

宮二子鄭大夫屏攝祭祀之位大宮鄭祖使

公孫登徙大龜登開十使祝史徙主祔於周

廟告于先君祔廟主石函周廟厲王廟也有

音石祔使府人庫人各做其事做備商成公做

司宮商成公鄭大夫司出舊宮人寘諸火所

不及舊宮人先司馬司寇列居火道備非行

火所燠燠炙也城下之人伍列登城為部

城備也明日使野司寇各保其徵野司寇縣士

四方乃聞災故戒保所徵役之人郊人助祝史除於國北為

處於國北者就大陰禳火禳火于玄冥回祿玄冥水神祈

于四鄙鄙城也城積土陰氣所聚故祈書焚

室而寬其征與之材征賦三日哭國不市示

會市使行人告於諸侯宋衛皆如是陳不救

火許不弔災。君子是以知陳許之先亡也。不義

所以六月，邠人藉稻。邠，妘姓國也。其君自出藉稻，蓋履行之。妘音

云邠人襲邠，邠人將閉門，邠人羊羅攝其首

焉。斬得閉門者頭遂入之。盡俘以歸。邠子曰：余無歸

矣。從帑於邠，邠莊八反，邠夫人而舍其女。為明

年宋伐邠起帑音奴秋，葬曹平公。往者見周原伯魯

焉。原，伯魯周大夫與之語，不說學。歸以語閔子馬。閔

子馬曰：周其亂乎？夫必多有是說，而後及其

大人。國亂俗壞，言者適多，漸以及大大人患

失而惑。又曰：可以無學，無學不害。患有學而失道者，以

惑其意不害而不學，則苟而可。以為無害，遂不學，則皆懷苟且

於是乎下陵上替，能無亂乎？夫學殖也，不學

將落。原氏其亡乎？殖，生長也。言學之進德，如農之殖苗，日新日益。殖

時力七月，鄭子產為火故，大為社。為治也。為火于僞

反。下將被禳於四方，振除火災禮也。振，棄也。被，芳

佛乃簡兵大蒐，將為蒐除。治兵於廟，城內子地迫，故除廣之

大叔之廟在道南，其寢在道北，其庭小。庭，蒐場也

過期三日。處小，不得一時使除徒陳於道南

畢。處昌慮反。

廟北曰子產過女而命速除乃毀於而鄉而

也。毀女所鄉。音汝。鄉許亮反。子產朝朝過而怒之怒不

除者南毀子產及衝使從者止之曰毀於北

方言子產仁。不火之作也子產授兵登陴子

大叔曰晉無乃討乎辭晉公子公孫而授兵似若叛晉子產

曰吾聞之小國忘守則危況有災乎國之不

可小有備故也既晉之邊吏讓鄭曰鄭國有

災晉君大夫不敢寧居卜筮走望不愛牲玉

鄭之有災寡君之憂也今執事擗然授兵登

陴擗然勁忿貌。擗遐板反。將以誰罪邊人恐懼不敢不

告子產對曰若吾子之言敝邑之災君之憂

也敝邑失政天降之災又懼讒慝之間謀之

以啓貪人荐為敝邑不利荐重也。間去聲。以重君

之憂幸而不亡猶可說也說解也。不幸而亡君

雖憂之亦無及也鄭有他竟望走在晉言鄭雖與

他國為竟。每瞻望晉歸赴之。既事晉矣其敢有二心傳言子產

有楚左尹王子勝言於楚子曰許於鄭仇敵

也而居楚地以不禮於鄭十五年平王復遷邑許自夷還居葉。

恃楚而晉鄭方睦。鄭若伐許而晉助之。楚喪

不事鄭地矣。君盍遷許。許不專於楚。自以舊國不鄭

方有令政。許曰：余舊國也。許先鄭曰：余俘邑

也。隱十一年。鄭滅許而復存之。故曰我俘邑。葉在楚國方城外之

蔽也。為方城外之蔽障。土不可易。易。輕也。以鼓反。國不可

小。謂許不可俘。讎不可啓。君其圖之。楚子說

冬。楚子使王子勝遷許於析。實白羽。於傳時。白羽改

為析經十有九年。春。宋公伐邾。夏。五月。戊辰。許

世子止弒其君買。加弒者。責止不捨。已卯。地

震。無傳秋。齊高發帥師伐莒。冬。葬許悼公。無傳

傳十九年。春。楚工尹赤遷陰于下陰。陰縣今屬南鄉

郡令尹子瑕城郟。叔孫昭子曰：楚不在諸侯

矣。其僅自完也。以持其世而已。遷陰城郟。皆欲以自完守

楚子之在蔡也。蓋為大夫。時往聘蔡。鄭陽封人之女奔

之生。大子建。鄭陽。蔡邑。古閔反。及即位。使伍奢為

之師。伍奢。伍舉之子。伍負之父。負音云。費無極為少師。無寵

焉。欲譖諸王。曰：建可室矣。室。妻也。王為之聘於

焉。欲譖諸王。曰：建可室矣。室。妻也。王為之聘於

秦無極與逆勸王取之正月楚夫人嬴氏至

自秦王自取之故稱夫人至為下邠夫人宋

向戌之女也故向寧請師寧向戌子也請於宋公伐邾向傷

二月宋公伐邾圍蟲音恤二月取之音恤邠

乃盡歸邠俘夏許悼公瘡五書圍取不以告

月戊辰飲犬子止之藥卒止獨進藥不由大

子奔晉書曰弒其君君子曰盡心力以事君

舍藥物可也藥物有毒當由醫非凡人所知

邾人徐人會宋公乙亥同盟于

蟲終宋公伐邾事楚子為舟師以伐濮濮南

費無極言於楚子曰晉之伯也邇於諸夏而

楚辟陋故弗能與爭若大城城父而實犬子

焉城父今襄城城父縣以通北方王收

南方是得天下也王說從之故太子建居于

城父令尹子瑕聘于秦拜夫人也為明年

秋齊高發帥師伐莒莒不事莒子

奔紀鄆紀鄆莒邑也東海贛榆縣使孫書伐

之孫書陳無字初莒有婦人莒子殺其夫已

三傳卷二十四

二

為嫠婦

寡婦為嫠。嫠力之反。

及老託於紀鄆紡焉以

度而去之

因紡纆連所紡以度城而藏之。以待外攻者欲以報讎。紡芳往反。

度待洛反及師至則投諸外

投繩城外隨之而出

或獻諸子

占子占使師夜縋而登

緣繩登城

登者六十人縋

絕師鼓譟城上之人亦譟莒共公懼啓西門

而出七月丙子齊師入紀

傳言怨不在大

是歲也鄭

駟偃卒子游娶於晉大夫生絲弱

子游駟偃也弱幼少

其父兄立子瑕

子瑕子游叔父駟乞

子產憎其為人也

憎子瑕

且以為不順

舍子立叔不順禮也

弗許亦弗止

為違禮止之為違眾故中立

駟氏聳

聳懼也

他日絲以告其

舅冬晉人使以幣如鄭問駟乞之立故駟氏

懼駟乞欲逃子產弗遣請龜以上亦弗子大

夫謀對子產不待而對客曰鄭國不天

不獲天福

寡君之二三臣札瘥天昏

天死曰札小疫曰瘥短折曰天未名

昏今又喪我先大夫偃其子幼弱其二父

兄懼隊宗主私族於謀而立長親

於私族之謀宜立親

之長者寡君與其二三老曰抑天實剝亂是吾

何知焉

言天自欲亂駟氏非國所知

諺曰無過亂門民有

兵亂猶憚過之。而況敢知天之所亂。今大夫將問其故。抑寡君實不敢知其誰實知之。平丘之會。在十三年。古禾反。下同。君尋舊盟曰。無或失

職。若寡君之二三臣。其即世者。晉大夫而專制其位。是晉之縣鄙也。何國之為辭。客幣而

報其使。晉人舍之。遣人報晉使。使所吏反。楚人城州來。

沈尹戌曰。楚人必敗。十三年。吳縣州來。今就城而取之。戌。莊王曾孫。昔吳滅州來。在十三年。子旗請

伐之。王曰。吾未撫吾民。今亦如之。而城州來。

以挑吳。能無敗乎。侍者曰。王施舍不倦。息民

五年。可謂撫之矣。戌曰。吾聞撫民者。節用於

內。而樹德於外。民樂其性。而無寇讎。今宮室

無量。民人日駭。勞罷死轉。轉。遷徙也。忘

寢與食。非撫之也。傳言平王所不能霸。鄭太水。龍鬪

于時門之外。洧淵。時門。鄭城門也。洧水出滎陽密縣東南。至潁川長平。

入潁。于執反。國人請為禱焉。子產弗許。曰。我鬪

龍。不我覲也。覲。見也。禱。為命反。龍鬪。我獨何覲焉。襍

之。則彼其室也。淵。龍之室。吾無求於龍。龍亦無求

之。則彼其室也。

三傳卷二十四

於我乃止也。傳言子產之知。令尹子瑕言蹶由於楚

子。蹶由吳王弟五年靈王執以歸。蹶九衛反。曰彼何罪。諺所謂

室於怒市於色者楚之謂矣。言靈王怒吳子而執其弟猶人

忿於室家而作色於市人。舍前之忿可也。乃歸蹶由。言楚子能

用善言。

經二十年春王正月夏曹公孫會自鄭出奔

宋。無傳嘗有玉帛之使來告故書。鄭曹邑。鄭莫公反。一亡增反。秋盜殺衛

侯之兄縶。齊豹作而不義故書曰盜。所求名而不得。縶張立反。冬十

月宋華亥向寧華定出奔陳。與君爭而出皆書名惡之。華

戶化反。十有一月辛卯蔡侯廬卒。無傳未同盟而赴以名。

廬力烏反。又力於反。

傳二十年春王二月己丑日南至。是歲朔旦也。當言正月己丑朔日南至。時史失閏閏更在二月後故經因史而書正月。傳更具於二月。記南至日。

梓慎望氛。氛氣也。時魯侯不行以正歷也。登臺之禮使梓慎望

氣曰今茲宋有亂國幾亡三年而後弭。蔡有

大喪。為宋華向出奔。蔡侯卒。叔孫昭子曰然則戴桓也

戴族華氏。桓族向氏。汰侈無禮已甚亂所在也。傳言妖

費無極言於楚子曰建與伍奢將以方城之

費無極言於楚子曰建與伍奢將以方城之

外叛。自以為猶宋鄭也。齊晉又交輔之。將以害楚。其事集矣。王信之。問伍奢。伍奢對曰。君

一過多矣。一過。納。建妻。何信於讒。王執伍奢。念奢切言。

使城父司馬奮揚殺太子。未至而使遣之。知。

子寃。故遣令去。三月。太子建奔宋。王召奮揚。奮揚使

城父人執已。以至。王曰。言出於余口。入於爾

耳。誰告建也。對曰。臣告之。君王命臣曰。事建

如事余。臣不佞。佞。才也。不能苟貳。奉初以還。奉初。

命以周旋。不忍後命。故遣之。既而悔之。亦無及已。

王曰。而敢來。何也。對曰。使而失命。召而不來。

是再奸也。奸。犯也。使所吏反。又如字。逃無所入。王曰。歸。

從政。如他日。善其言。舍使還。無極曰。奢之子材。若在

吳。必憂楚國。盍以免其父。召之。彼仁。必來。不

然。將為患。王使召之。曰。來。吾免。而父棠君尚

謂其弟貞。棠君。奢之長子尚也。為棠邑大夫。貞。尚弟子胥。貞音云。曰。爾

適吳。我將歸死。吾知不逮。自以知不及。貞音智。我能

死。爾能報。聞免父之命。不可以莫之奔也。親

戚為戮。不可以莫之報也。奔死免父。孝也。度

功而行仁也。仁者貴成功。度待洛反。擇任而往。知也。任

報讎。在音士。知死不辟。勇也。尚為勇。父不可弃。俱去為弃。

父名不可廢。俱死為廢名。爾其勉之。相從為愈。愈差

也。伍尚歸。奢聞。負不來。曰。楚君大夫其盱食

乎。將有吳憂。不得早食。盱古旦反。楚人皆殺之。負如吳言。

伐楚之利於州于。州于。吳子僚。公子光曰。是宗為

戮。而欲反其讎。不可從也。光。吳公子闔廬也。反復也。負曰。

彼將有他志。先欲弑僚。不利負用事。故破其議。而負亦知之。余姑為

之求士。而鄙以待之。計未得用。故進勇士以求入於光。退居邊鄙。

為干乃見鱄設諸焉。鱄諸勇士。見鱄反。鱄音專。而耕於

鄙。為二十七年。吳弑僚傳。宋元公無信多私。而惡華向。

華定。華亥與向寧謀曰。亡愈於死。先諸。恐元公殺

已。欲先作亂。惡鳥路反。華亥偽有疾。以誘羣公子。公子

問之。則執之。夏六月丙申。殺公子寅。公子御

戎。公子朱。公子固。公孫援。公孫丁。拘向勝。向

行於其廩。八子。皆公黨。魚呂反。又如字。公如華氏。請焉。

弗許。遂劫之。劫公。癸卯。取太子欒。與母弟辰。公

子地。以為質。欒。景公也。辰及地。皆元公弟。質音致。案公子辰。是景公之母。

昭二十年

左傳卷二十四

三

弟。地是辰兄。當為元公。公亦取華亥之子無

感。向寧之子羅。華定之子啓。與華氏盟。以為

質。為此冬華衛公子孟縶。狎齊豹。公孟。靈公兄也。齊豹。齊惡

之子。為衛司寇。狎。輕也。奪之。司寇與鄆。鄆。豹邑。有役

則反之。無則取之。繫足不良。故有役。則以官邑還豹。使行公孟

惡。北宮喜褚師圃欲去之。喜。貞子。惡。烏公

子朝通于襄夫人宣姜。宣姜。靈公嫡母。朝。如字懼而欲

以作亂。故齊豹。北宮喜褚師圃。公子朝作亂

初。齊豹見宗魯於公孟。薦達也。見賢。遍反為驂乘焉

為公孟驂乘將作亂。而謂之曰。公孟之不善。子所

知也。勿與乘。吾將殺之。對曰。吾由子事公孟。

子假吾名焉。故不吾遠也。言子借我以善名。故公孟親近我。

與音預。又如字。遠于萬反雖其不善。吾亦知之。抑以利故

不能去。是吾過也。今聞難而逃。是僭子也。使

言不信也。難乃旦反子行事乎。吾將死之。以周事子

周猶終。竟也而歸死於公孟。其可也。丙辰。衛侯在

平壽。平壽。衛下邑公孟有事於蓋。獲之門外。有事。祭也。

蓋。獲。衛郭門齊子氏帷於門外。而伏甲焉。齊豹使之家使

昭二十年

三

祝鼃寘戈於車薪以當門

要其前也。鼃鳥媯反。

使一

乘從公子孟以出

亦如前車。寘戈於薪。尋其後。從如字。又才用反。

華齊御公子孟宗魯驂乘及閔中

閔。曲門中。華戶化反。

齊氏用戈擊公孟宗魯以背蔽之斷肱以中

公孟之肩皆殺之公聞亂乘驅自閔門入慶

比御公公南楚驂乘使華寅乘貳車

公副車。斷丁

管反。中丁仲反。比如字。又毗志反。

及公宮鴻駟駘駟乘于公

鴻駟駘復就公乘。一車四人。駟音留。駘音頽。

公載寶以出褚師子

申遇公子馬路之衢遂從

從公出。過齊氏

使華寅肉袒執蓋以當其闕

肉袒示不敢與齊氏爭。執蓋蔽

公而去。闕空也。以蓋當侍從空闕之處。

齊氏射公中南楚之背

公遂出寅閉郭門

不欲令追者出。射食亦反。

踰而從公

踰郭出。從才用反。又如字。

公如死鳥

死鳥衛地。

析朱鉏宵從

竇出徒行從公

朱鉏成子黑背。竇音豆。

齊侯使公孫

青聘于衛

青頃公之孫。頃音傾。

既出聞衛亂使請所

聘公曰猶在竟內則衛君也乃將事焉

將事行聘

事。竟音境。

遂從諸死鳥請將事辭曰亡人不佞

失守社稷越在草莽吾子無所辱君命賓曰

寡君命下臣於朝曰阿下執事

阿比也。命已使比衛臣下

臣不敢貳

貳違命也

主人曰君若惠顧先君之好

照臨敝邑鎮撫其社稷則有宗祧在

言受聘當在宗

廟也乃止

止不行聘事

衛侯固請見之

欲與青相見

不獲

命以其良馬見

以為相見之禮。馬見賢遍反。下同

為未致使

故也

未致使。禮見。為于偽反。客

衛侯以為乘馬

其喜

敬已。故貴其物。乘繩證反。又如字

賓將擗

擗行夜。擗側九反。又祖侯反。行下

主人辭曰亡人之憂不可以及吾子草莽

之中不足以辱從者敢辭賓曰寡君之下臣

君之牧圉也若不獲扞外役是不有寡君也

有相親有。扞戶旦反

臣懼不免於戾請以除死親執

鐸終夕與於燎

設火燎以備守。與音預。下不與聞同。燎九召反。又力弔

反齊氏之宰渠子召北宮子

北宮喜也

北宮氏之

宰不與聞謀殺渠子遂伐齊氏滅之丁巳晦

公入與北宮喜盟于彭水之上

喜本與齊氏同謀故公先

與喜盟

秋七月戊午朔遂盟國人八月辛亥公

子朝褚師圃子玉霄子高魴出奔晉

皆齊氏黨閏

月戊辰殺宣姜

與公子朝通謀故

衛侯賜北宮喜諡

曰貞子

滅齊氏故

賜析朱鉏謚曰成子

霄從公故

而以

齊氏之墓予之

皆未死而賜謚及墓田傳終而言之

衛侯告寧

于齊且言子石

子石公孫青言其有禮

齊侯將飲酒徧

賜大夫曰二三子之教也

喜青敬衛侯

苑何忌辭

曰與於青之賞必及於其罰

何忌齊大夫言青若有罪亦當

并受其罰苑於元反

在康誥曰父子兄弟罪不相及

尚書況在羣臣臣敢貪君賜以干先王

言受賜則

犯康誥之義

琴張聞宗魯死

琴張孔子弟子字子開名卒

將往

弔之仲尼曰齊豹之盜而孟縶之賊女何弔

馬

言齊豹所以為盜孟縶所以見賊皆由宗魯女音汝

君子不食姦

知公孟不善而受其祿是食姦也

不受亂

許豹行事是受亂也

不為利

疾於回

疾病回邪也。以利故不能去。為于偽反。

不以回

待人

知難不告。是以邪待。且反。

不蓋不義

以周事豹。是蓋不義。

不犯非禮

以二心事。繫是非禮。

宋華向之亂公子城

平公

子公孫忌樂舍

舍樂喜孫

司馬彊向宜向鄭

宜鄭皆向

子楚建

楚平王之太子

郟甲

小邾穆公之子

出奔鄭

八子宋大夫皆公黨辟難出

其徒與華氏戰于鬼闔

八子之徒

衆也。潁川長平縣西北有閭。閭似廉反。又以冉反。

敗子城子城適

晉子城為華氏所敗。別走至晉。為明年子城以晉師至起本。華亥與其妻

必盥而食所質公子者而後食。公與夫人每

日必適華氏食公子而後歸。華亥患之欲歸

公子。向寧曰。唯不信。故質其子。若又歸之死

無日矣。公請於華費。遂將攻華氏。費遂。大司馬。華氏族。

盥。古緩反。而。食音嗣。下同。質音致。對曰。臣不敢愛死。無乃求

去憂而滋長乎。恐殺大子。憂益長。去起呂反。長丁丈反。臣是以

懼。敢不聽命。公曰。子死亡有命。余不忍其詢

詢。恥也。詢許候反。冬十月。公殺華向之質而攻之。戊

辰。華向奔陳。華登奔吳。登。費遂之子。黨華向者。向寧欲

殺大子。華亥曰。于君而出。又殺其子。其誰納

我。且歸之。有庸。可以為功善。使少司寇恽以歸。

公子歸公也。恽。華亥庶兄。恽。苦耕反。曰。子之齒長矣。不能事

人。以三公子為質。必免。質。信也。送公子歸。可以自明。不叛之信。

質如字。公子既入。華恽將自門行。從公門去。公遽見

之。執其手曰。余知而無罪也。入復而所。而。女所。

所居官。齊侯疥。遂疢。疢。瘡疾。疢失廉反。期而不瘳。諸侯

之賓問疾者多在。多在齊。期音基。梁丘據與裔款

左傳卷二十四

二子齊言於公曰吾事鬼神豐於先君有加

矣今君疾病為諸侯憂是祝史之罪也諸侯

不知其謂我不敬君盍誅於祝固史嚚以辭

賓欲殺嚚固以辭謝來問公說告晏子晏子

曰日宋之盟日往日也宋盟在襄屈建問范

會之德於趙武趙武曰夫子之家事治言於

晉國竭情無私其祝史祭祀陳信不愧其家

事無猜其祝史不祈家無猜疑之事故祝史

反建以語康王楚王魚據反語康王曰神人無怨

宜夫子之光輔五君以為諸侯主也五君文襄靈成

景公曰據與款謂寡人能事鬼神故欲誅於

祝史子稱是語何故對曰若有德之君外內

不廢無廢事上下無怨動無違事其祝史薦信

無愧心矣君有功德祝史是以鬼神用饗國

受其福祝史與焉與受國福其所以蕃祉老

壽者為信君使也其言忠信於鬼神其適遇

淫君外內頗邪上下怨疾動作辟違從欲厭

私使私情厭足頗普何反辟匹亦反從高

臺深池。撞鐘舞女。斬刈民力。輸掠其聚。

掠。奪取也。

以成其違。不恤後人。暴虐淫從。肆行非

度。無所還忌。還猶顧也。不思謗讟。不憚鬼神。神怒

民痛。無悛於心。其祝史薦信。是言罪也。以實白神。

是為言君之罪。其蓋失數美。是矯誣也。蓋掩也。數所主反。進

退無辭。則虛以求媚。作虛辭以媚於神。是以鬼神不

饗。其國以禍之。祝史與焉。所以天昏。孤疾者。

為暴君使也。其言僭慢於鬼神。公曰。然則若

之何。對曰。不可為也。言非誅祝史所能治。山林之木。衡

鹿守之。澤之萑蒲。舟鮫守之。藪之薪蒸。虞侯

守之。海之鹽蜃。祈望守之。衡鹿。舟鮫。虞侯。祈望。皆官名也。言公

專守山澤之利。不與民共。萑音九。蜃音軫。反。縣鄙之人。入從其政。

偏介之闕。暴征其私。介。隔也。迫近國都之闕。言邊鄙既入。服政役。又

為近關所征。稅枉暴。奪其私物。其政如字。一音征。承嗣大夫。強易其

賄。承嗣大夫。世位者。強其丈反。布常無藝。藝。法制也。言布政無法制。徵

斂無度。宮室日更。淫樂不違。違。去也。內寵之妾。

肆奪於市。肆。放也。外寵之臣。僭令於鄙。詐為教令於邊

鄙。私欲養求。不給則應。養。長也。所求不以罪。民人

苦病夫婦皆詛。祝有益也。詛亦有損。聊攝以

東。聊攝。齊西界也。平原聊城縣東。姑尤以西

姑尤。齊東界也。姑水。尤水。皆在城陽郡。東南入海。其為人也多矣。雖

其善祝。豈能勝億兆人之詛。萬萬曰億。萬億曰兆。君若

欲誅於祝史。脩德而後可。公說。使有司寬政。

毀關。去禁。薄斂。已責。除逋責。去起呂反。斂力驗反。責本作債。逋布

胡反。十二月。齊侯田于沛。言疾愈。行獵。沛。澤名。招虞

人以弓。不進。虞人。掌山澤之官。公使執之。辭曰。昔我

先君之田也。旃以招大夫。弓以招士。皮冠以

招虞人。臣不見皮冠。故不敢進。乃舍之。仲尼

曰。守道不如守官。君招當往。道之常也。非物不進。官之制也。君子

韙之。韙。是也。齊侯至自田。晏子侍于遄臺。子猶

馳而造焉。子猶。梁丘據。市專反。造。七報反。公曰。唯據與我

和夫。晏子對曰。據亦同也。焉得為和。公曰。和

與同。異乎。對曰。異。和如羹焉。水火醯醢鹽梅。

以烹魚肉。燂之以薪。燂。炊也。天音扶。宰夫

和之。齊之以味。濟其不及。以洩其過。濟。益也。洩。減也。

齊才細反。又如字。君子食之以平其心。君臣亦然。亦如

羹君所謂可而有否焉否不可也臣獻其否以成

其可以獻君之否君所謂否而有可焉臣獻其

可以去其否是以政平而不干民無爭心故

詩曰亦有和羹既戒既平詩頌殷中宗言中宗能與賢者和齊

可否其政如羹敬戒且平和羹備五味異於大羹。和齊並如字一讀上戶財反下才細

反駸駸無言時靡有爭駸總也。駸大也。言總大政能使上下皆如

和羹駸子工先王之濟五味濟成也和五聲

也以平其心成其政也聲亦如味一氣須氣以動

二體舞者有文武三類頌風雅頌四物雜用四方之物以成器五

聲官商角徵羽六律黃鍾大簇姑洗蕤賓夷則無射也。陽聲為律陰聲為呂此

十二月氣族七豆七音周武王伐紂自午及子凡七日王因

此以數合之以聲昭之故以七八風八方風九

歌九功之德皆可歌也。六府三事謂之九功。六府金木水火土穀三事正德利用厚生

生以相成也言此九者合然清濁小大短長

疾徐哀樂剛柔遲速高下出入周疏以相濟

也周密君子聽之以平其心心平德和故詩

曰德音不瑕詩豳風也義取心平則德音無瑕闕今據不然君

所謂可據亦曰可君所謂否據亦曰否若以

水濟水誰能食之若琴瑟之專壹誰能聽之同之不可也如是飲酒樂公曰古而無死其樂若何晏子對曰古而無死則古之樂也君何得焉昔爽鳩氏始居此地爽鳩氏少皞氏之司寇也季

荊因之季荊虞夏諸侯代爽鳩氏者有逢伯陵因之逢伯陵殷諸侯姜姓

蒲姑氏因之蒲姑氏殷周之間代逢公者而後

大公因之古若無死爽鳩氏之樂非君所願

也齊侯甘於所樂志於不死鄭子產有疾謂

子大叔曰我死子必為政唯有德者能以寬

服民其次莫如猛夫火烈民望而畏之故鮮

死焉水懦弱民狎而翫之狎輕也則多死焉故

寬難難以治疾數月而卒大叔為政不忍猛而

寬鄭國多盜取人於荏苒之澤荏苒澤名於澤中劫人

荏苒音九苒音音大叔悔之曰吾早從夫子不及

此與徒兵以攻荏苒之盜盡殺之盜少止仲

尼曰善哉政寬則民慢慢則糾之以猛糾猶攝也

猛則民殘殘則施之以寬寬以濟猛猛以濟

寬政是以和詩曰民亦勞止汔可小康惠此

昭二十一年 十一

中國以綏四方。施之以寬也。

詩大雅。汔其也。康綏皆安也。周厲王暴虐。民勞於苛政。故詩人刺之。欲其施之以寬。汔許乙反。

從。隨人無正心。不可以謹無良。

謹勅也。式遏。從子用反。注同。

寇虐慘不畏明。糾之以猛也。

式用也。遏止也。虐曾不畏明法者。亦當用猛政糾治之。

柔遠能邇。以定我王。平

柔安也。邇近也。遠者懷附。又曰不競不綌。不剛不柔。強也。綌急也。綌音求。

之以和也。

柔安也。邇近也。遠者懷附。又曰不競不綌。不剛不柔。強也。綌急也。綌音求。

布政優優。百禄是適。

優優和也。適聚也。和之至也。及子產卒。仲尼聞之。出涕曰。古之遺

愛也。

子產見愛。有古人之遺風。

經二十有一年。春。王三月。葬蔡平公。夏。晉侯

使士鞅來聘。晉頃公即位。通嗣君。

宋華亥。向寧。華定。自

陳入于宋南里。以叛。

自外至。故曰入。披其邑。故曰叛。南里。宋城內里。

名。披。秋七月。壬午朔。日有食之。八月乙亥。

叔輒卒。

叔弓之子。伯張之孫。朱為太子。則失位。遂

公如晉。至河乃復。

晉人辭。微弱為國人所逐。故以自出為文。

傳二十一年。春。天王將鑄無射。

周景王也。無射。鐘名。律中

泠州鳩曰。王其以心疾死乎。

泠。樂官。其

無射。

泠。樂官。其

射音亦。

泠州鳩曰。王其以心疾死乎。

泠。樂官。其

名也。力丁反。

冷。

夫樂天子之職也。

職所主也。

夫音樂之

輿也。

樂因音而行。

而鐘音之器也。

音由器以發。

天子省

風以作樂。

省風俗作樂以移之。

器以鍾之。

鍾聚也。以器聚音。

以行之。

樂須音而行。

小者不窳。

窳他彫反。細不滿。

大者

不楸。

楸橫大不入。楸戶化反。

則和於物。物和則嘉成。

嘉樂。

成故和聲入於耳。而藏於心。心億則樂也。

億安也。

窳則不咸。

不充滿人心。咸如字。本作感。戶暗反。

楸則不容。

堪。容。心是以感。感實生疾。今鐘楸矣。王心弗堪。

其能久乎。

為明年天。王崩傳。

三月葬蔡平公。蔡天子

朱失位。位在卑。

不在適子位。以長幼齒。

大夫送葬者歸。

見昭子。昭子問蔡故。以告昭子。歎曰。蔡其亡

乎。若不亡。是君也。必不終。詩曰。不解于位。民

之攸暨。

詩大雅。暨息也。佳賣反。暨許器反。

今蔡侯始即位。

而適卑。身將從之。

為蔡侯朱。出奔傳。

夏。晉士鞅來聘。

叔孫為政。

叔孫昭子以三命為國政。

季孫欲惡諸晉。

憎叔孫在。

已上位。欲使得罪於晉。惡烏路反。

使有司以齊鮑國歸費之

禮為士鞅。

鮑國歸費。在十四年。牢禮各如其命數。魯人失禮。故為鮑國七年。

費音祕。故為于偽反。

士鞅怒曰。鮑國之位下。其國小。而

使鞅從其牢禮。是卑敝邑也。將復諸寡君。魯人恐。加四牢馬。為十一牢。言魯不能以禮事大國。且為哀七年。

吳徵百牢起。宋華費逐生華。驅。華多僚。華登。驅。為

少司馬。多僚為御士。公御士。驅勅俱反。與驅相惡。乃

譖諸公。曰。驅將納亡人。亡人。華亥等。如字。又烏路反。惡。亟

言之。公曰。司馬以吾故。亡其良子。司馬。謂費遂。為大司

馬。良子。謂華登。亟欺冀反。死亡有命。吾不可以再亡之。

對曰。君若愛司馬。則如亡。君若愛大司馬。則當亡。走失國。死

如可逃。何遠之有。言亡可以逃。死。勿慮其遠。以恐動公。公懼。使

侍人召司馬之侍人。宜僚飲之酒。而使告司

馬。告司馬。使逐驅。飲於鳩反。司馬歎曰。必多僚也。吾有

讒子。而弗能殺。吾又不死。抑君有命。可若何。

乃與公謀逐華。驅。將使田孟諸而遣之。公飲

之酒。厚酬之。酬。酒幣。賜及從者。司馬亦如之。亦如。

公賜。後才用反。張勾尤之。張勾。華驅臣。尤。怪賜之厚。曰。必有故。

使子皮承宜僚以劍。而訊之。子皮。華驅。訊。問也。宜僚

盡以告。告。欲因田以遣之。張勾欲殺多僚。子皮曰。司

馬老矣。登之謂甚。言登亡。傷司馬心已甚。吾又重之。不

如亡也。五月丙申，子皮將見司馬而行，則遇

多僚，御司馬而朝。張句不勝其怒，遂與子皮

曰：「任鄭翩殺多僚。」任，翩亦龜家臣。重直用反。見音現。勝音升。任音壬。

劫司馬以叛，而召亡人壬寅。華向入，樂大心

豐愆，華控御諸橫。梁國睢陽縣南有橫亭。華氏居盧門

以南里叛。盧門，宋東城南門。六月庚午，宋城舊廓及

桑林之門而守之。舊廓，故城也。桑林，城門名。秋七月壬午

朔，日有食之。公問於梓慎曰：「是何物也？禍福

何為？」物，事也。對曰：「二至二分，二至，冬至夏至。二分，春分秋分。日

有食之，不為災。日月之行也，分同道也。至，相

過也。二分，日夜等，故言同道。二至，長短極，故相過。其他月則為災。

陽不克也，故常為水。陰侵陽，是陽不勝陰。於是叔輒哭

日食。意在於憂災。昭子曰：「子叔將死，非所哭也。」八

月，叔輒卒。冬十月，華登以吳師救華氏。登，前年奔

吳，齊烏枝鳴戍宋。烏枝鳴，齊大夫。廚人濮曰：「濮，宋廚

軍志有之。先人有奪人之心，後人有待其衰，

盍及其勞，且未定也。伐諸，若入而固，則華氏

衆矣。悔無及也。從之。丙寅，齊師、宋師敗吳師。

于鴻口。梁國睢陽縣東有鴻口亭。獲其二帥。

公子苦雒偃州負。二帥吳大夫。雒音云。又音圓。華登

帥其餘。吳餘師。以敗宋師。公欲出。出奔。廚人濮曰。

吾小人可藉死。可借使死難。而不能送亡君。請待

之。請君待復戰決勝負。而請不能送亡君絕句。乃徇曰。揚徽者公

徒也。徽識也。識申志反。又昌志反。衆從之。公自揚門見之

三子之恥也。豈專孤之罪也。齊烏枝鳴曰。用

少莫如齊致死。齊致死莫如去備。備長兵也。去起呂

反。彼多兵矣。請皆用劍。從之。華氏北。復即之

矣。遂敗華氏于新里。新里華氏所取邑。翟

僂新居于新里。既戰。說甲于公而歸。居華氏地而助

公戰。僂力主。華姓居于公里。亦如之。姓華

反。說他活反。故助華氏。亦如僂新說甲歸。傳言古之為軍。

不此小忿。姓他口反。些才斯反。又音紫。

十一月癸未。公子城以晉師至。城以前年奔

曹翰胡。曹大夫。翰音。會晉荀吳。中行穆子

反。齊苑何忌。齊大夫。衛公子朝。前年出奔救宋。

左傳卷五 二十七

丙戌與華氏戰于赭丘。赭丘。宋地。鄭翩願為

鸛其御願為鶩。鄭翩。華氏黨。鸛鶩皆陳名。鶩古喚反。鶩五多反。子

祿御公子城莊莖為右。子祿。向宜。董音謹。干犢御呂

封人華豹張匄為右。呂封人。華豹。華氏。黨。尺由反。相遇

城還華豹曰城也城怒而反之。怒其呼已。反還戰。將

注豹則關矣。注。傳。矢。關。引弓。注之。曰平公

之靈尚輔相余。平公。公子。城之父。豹射出其間。出子。城子。

亦反。又食夜反。將注則又關矣曰不狎鄙。狎。更。音庚。

也。音庚。更抽矢。豹止。不射。城射之殪張匄抽及而

下。及長丈二。在車邊。音殊。長直亮反。又如字。射之折股扶伏而

擊之折軫。折城車軾。折之設反。扶伏竝如字。又上音蒲。下蒲北反。或作匍匐。

同又射之死。死。白。干犢請一矢。求。城曰余言女

於君。欲活之。女音汝。對曰不死伍乘軍之大刑也

同。乘共伍。當皆死。乘繩證反。干刑而從子君焉用之子速

諸乃射之殪。殪。又。大敗華氏圍諸南里華亥

搏膺而呼見華癘曰吾為欒氏矣。晉欒盈還。入作亂而

死。事在襄二十三年。呼好故反。癘曰子無我廷不幸而

後亡。廷。恐也。廷求枉反。使華登如楚乞師華癘以車

十五乘徒七十人犯師而出犯公師出食於

睢上哭而送之乃復入入南里楚遠越帥

師將逆華氏大宰犯諫曰諸侯唯宋事其君

今又爭國釋君而臣是助無乃不可乎王曰

而告我也後既許之矣為明年華向出奔蔡

侯朱出奔楚費無極取貨於東國東國隱犬

侯廬之弟朱叔父也而謂蔡人曰朱不用命於楚君王

將立東國若不先從王欲楚必圍蔡蔡人懼

出朱而立東國朱愬于楚楚子將討蔡無極

曰平侯與楚有盟故封盟于鄧依陳其子有

二心故廢之子謂朱也靈王殺隱犬子其子與君

同惡德君必甚又使立之不亦可乎且廢置

在君蔡無他矣言權在楚則公如晉及河鼓

叛晉叛晉屬鮮虞晉將伐鮮虞故辭公將有軍事

賓且懼經二十有二年春齊侯伐莒宋華亥向寧華

定自宋南里出奔楚言自南里別從國大蒐

于昌間無傳如字夏四月乙丑天王崩六月叔

鞅如京師葬景王叔鞅叔弓子三月而葬王

室亂承叔鞅言而書之未劉子單子以王猛

居于皇河南鞏縣西南有黃亭辟子朝難出

秋劉子單子以王猛入于王城王城河南縣晉助

猛故得還王都冬十月王子猛卒未即位故十有二

月癸酉朔日有食之無傳此月有庚戌又以

卯朔書癸酉誤

傳二十二年春王二月甲子齊北郭啓帥師

伐莒啓齊大夫北莒子將戰苑羊牧之諫牧

莒大夫元反曰齊帥賤其求不多不如下之大

國不可怒也弗聽敗齊師于壽餘莒地下

齊侯伐莒怒莒子行成司馬竈如莒涖盟竈

大夫莒子如齊涖盟盟于稷門之外稷門齊

於是乎大惡其君為明年莒子來奔楚遠越

使告于宋曰寡君聞君有不令之臣為君憂

無寧以為宗羞無寧寧也言華氏寡君請受

而戮之對曰孤不佞不能媚於父兄華向公

稱父以為君憂拜命之辱抑君臣日戰君曰

昭二十二年

余必臣是助亦唯命人有言曰唯亂門之無

過君若惠保敝邑無亢不衷以獎亂人孤之

望也唯君圖之楚人患之患宋以義距之。過古禾反亢苦浪。

反衷音忠諸侯之戍謀曰若華氏知困而致死楚

恥無功而疾戰非吾利也不如出之以為楚

功其亦無能為也已言華氏不能復為宋患救宋而除

其害又何求乃固請出之宋人從之已已宋

華亥向寧華定華貙華登皇奄傷省臧士平

出奔楚華貙以下五子不書非卿宋公使公

孫忌為大司馬代華費遂邊卬為大司徒卬平公曾孫代

華定。卬五郎反樂祁為司城祁子罕孫樂祁犁仲幾為左

師幾仲江孫代向寧。幾音基樂大心為右師代華亥樂輓

為大司寇輓子罕孫以靖國人終梓慎之言三年而後弭

王子朝賓起有寵於景王子朝景王之長庶子賓起子朝之傳

朝如字凡人名字皆張遙反或云朝錯是王子朝之後音潮案錯姓亦有兩音王

與賓孟說之欲立之孟即起也王語賓孟欲立子朝為大子說如

字又音悅劉獻公之庶子伯蚩事單穆公獻公劉摯伯蚩

劉狄穆公單旗。扶粉反。一扶云反。惡賓孟之為人也願殺

之。又惡王子朝之言以為亂。願去之。子朝有欲立之言。故劉蚩惡之。

賓孟適郊。見雄雞自斷其尾。問之侍者曰：自憚其犧也。畏其為犧牲。奉宗廟。故自殘毀。

管反。○斷丁。遠歸告王。且曰：雞其憚為人用乎。人

異於是。雞犧雖見寵飾。然卒當見殺。若人犧見寵飾。則當貴盛。故言異於雞。

者實用人人。犧實難。已犧何害。言設使寵人如寵犧。則不

宜假人以招禍難。使犧在已。則無患害。已喻子朝欲使王早寵異之。

王弗應。五年。天子壽卒。王立子猛後。復欲立子朝而未定。賓孟感雞。盛稱子朝。王心許之。故不應。

○難去。夏四月。王田北山。使公卿皆從。將殺單

子劉子。北山。洛北芒也。王知單劉不欲立。子朝欲因田獵先殺之。

○從去聲。王有心疾。乙丑。崩于榮錡氏。四月十九日。河南鞏縣西有榮錡澗。

○錡魚。反。○絳。反。戊辰。劉子摯卒。二十日。無子。單子立。劉

蚩。蚩事單子故。五月。庚辰。見王。見王猛。賢遍反。遂攻賓

起。殺之。黨子朝故。盟羣王子于單氏。王子猛次正。故單劉立之。

懼諸王子或黨。子朝故盟之。晉之取鼓也。在十年。既獻而反。

鼓子焉。獻於廟。又叛於鮮虞。叛晉屬。鮮虞。六月。荀吳

略東陽。略。行也。東陽。晉之山東邑。魏郡。廣平以北。○行。下孟反。

使師僞糴者。負甲以息於昔陽之門外。昔陽。故肥子所都。糴。音

糴者。負甲以息於昔陽之門外。

糴者。負甲以息於昔陽之門外。

狄遂襲鼓滅之以鼓子為鞮歸使涉佗守之

守鼓之地。涉佗。晉大夫。○(為)徒多反。佗徒多反。丁巳葬景王。

子朝因舊官百工之喪職秩者與靈景之族

以作亂百工。百官也。靈王景王。喪息浪反。帥郊要餞之

甲三邑。周地。○(要)一遙反。餞賤淺反。以逐劉子逐伯壬戌劉

子奔揚揚。周單子逆悼王于莊宮以歸悼王。

也王子還夜取王以如莊宮王子還。子朝黨也。不欲使單子

得王猛。故取之。○(召)上照反。曰不殺單旗不捷旗。

公謀莊公。召伯魚。子朝黨也。○(召)上照反。曰不殺單旗不捷

也子與之重盟必來背盟而克者多矣從之從。

謀也。○(背)音佩。樊頃子曰非言也必不克頃子。樊齊。單劉黨。

傾音遂奉王以追單子王子還及領大盟而

復領。周地。欲重盟。令殺摯荒以說委罪於荒。說如字。

又音悅。劉子如劉歸其單子亡乙丑奔于平時

平時。周地。知王子還欲背盟。故亡走。○(時)音止。又音市。羣王子追之單

子殺還姑發弱駸延定稠入子。靈景之族。因戰而殺之。子

朝奔京其黨丙寅伐之單子京人奔山劉子

入于王城子朝奔京。故得入。辛未鞏簡公敗績于京。

乙亥甘平公亦敗焉甘鞏二公周卿士皆為子朝所敗叔鞅

至自京師葬景王還言王室之亂也經所閔馬父

曰子朝必不克其所與者天所廢也閔馬父

魯大夫天所廢謂羣喪職秩者單子欲告急於晉秋七月戊

寅以王如平時遂如圃車次于皇出次以示急戊寅七

月三日經書六月誤也劉子如劉單子使王子處守于

王城王子處子猛黨守王城距子朝盟百工于平宮平宮平王廟

辛卯鄆肸伐皇鄆肸子朝黨音尋肸許乙反大敗獲鄆

肸壬辰焚諸王城之市焚鄆肸八月辛酉司徒

醜以王師敗績于前城醜悼王司徒前城子朝所得邑百工

叛司徒醜敗故己巳伐單氏之宮敗焉百工伐單氏為單氏

所敗庚午反伐之單氏反百工辛未伐東園百工所

東南有圍鄉冬十月丁巳晉籍談荀躒帥九州之

戎九州戎陸渾戎十七年滅屬晉州鄉屬也五州為鄉躒力狄反及焦瑕

溫原之師焦瑕溫原晉四邑以納王于王城丁巳在十月經

書秋誤庚申單子劉蚘以王師敗績于郊為子朝之

黨所敗前城人敗陸渾于社前城子朝社周地十一月

乙酉王子猛卒乙酉在十一月經書十月誤雖未即位周人諡曰悼王

不成喪也

釋所以不稱王崩

已丑敬王即位

敬王。王。子猛母

弟王館于子旅氏

子旅。周大夫

十二月庚戌晉籍

談荀躒賈辛司馬督

司馬鳥

帥師軍于陰

籍談所軍

于侯氏

荀躒所軍

于谿泉

賈辛所軍鞏縣西南有明谿泉

次于社

司馬督所次

王師軍于汜于解次于任人

王師分在三邑

洛陽西南有大解小解閏月晉箕遺樂徵

音凡解音蟹任音王

右行詭濟師取前城

三子晉大夫濟師渡伊洛。行戶郎反詭九委

反軍其東南王師軍于京楚辛丑伐京毀其

西南

京楚。子朝所在

春秋經傳集解昭公五第二十四

